



Uunga: Deloitte
Nassiussisoq: Vicekommunaldirektør Marie Fleischer
Cc: Kalaallit Nunaanni Kommuneqarfinnut Nakkutilliisoqarfik
Ulloq/Dato: xx-xx-2020
Uunga 2018-imut kukkunersuiusut nalunaarutaannut oqaaseqaatit
tunngatillugu:

Kukkunersuiusut oqaatigaat Kommuneqarfik Sermersooq 2018-imi naatsorsuuteqarfiusumi annertuunik ilungersunartoqartitsisimasoq. Tamakkua aningaasaqarnermut atortutaarnermik ERP-mik nutaamik pissuteqarput. Kommuneqarfik Sermersooq Nunatsinni kommunini siullersaalluni systemimik nutaamik tassunga atuilernikuvoq. Nunatsinni kommunini siullersaalluni Sermersooq atuutilersitsinermit atatillugu ajornartorsiutinik pingaarutilinnik assigiinngitsunik aqquasaagaqartarpoq. Ajornartorsiutit tamakkua kommunit sinnerinut Namminersorlutillu Oqartussanut taamak annertutigisumik uteqqinneqarunangillat. AX-ip atuutilersinneqarnissaanut tamakkiisumik isumalluarpugut, suliniutit pilersaarutillu aallarereersut eqqarsaatigissagaanni. Ukiut siulii assigalugit annerusumik minnerusumilluunniit kukkunersuiusut nalunaarutaanni uparuarneqartartut arlaqarput. Pissutsit tamakkua iluarsineqarnissaat Kommuneqarfik Sermersuumut pingaaruteqarpoq - tamannali tunngaviatigut ullormiit ullormut pisinnaangilaq - pissutsit aaqqinniarnissaat sivisuumik ingerlassaaq, taamaattorli aallartilluareerpugut.

2020-mi ukiup affaani siullermi ERP systemip atuutilersinneqarneranit killiffiup qulaajarnera aallarereerparput. Taamatut iliortoqarpoq ingerlatsivinni aningaasaqarnermullu immikkoortortami ajornartorsiutit suli naapinneqartartut iluarsiiqqineqarnissaat eqqarsaatigalugu. Tassunga atatillugu atuisut systemimik atuillualerniassammata, ilinniartinneqarnissaat suli qitiutinneqarpoq.

Kommunip 2018-imi suliniutinik akuersissutaareersunik pingaarutilinnik suliassanillu ingerlataqarnini nangeqqippaa, tamakkununga ilanngullugit aningaasaqarnermi aqutsinikkut piginnaasanik pitsaangorsaanerit, ERP systemip nutaap aammalu illup iluani nakkutilliissutinik atuutilersinnerit, tamakkulu tamarmik kommunip aqutsinerani ilorraap tungaanut isumannaatsumik nikeriarnissamat qularnaarisussaapput.

Suliniutit ilarpassui ukiup siuliani aallartinneqartut suli pingaaruteqarput qitiutinneqarlutillu. Taamaaliornissamat immikkoortut tulluuttut qitiutinneqarnissaat pisariaqarpoq:

- Qaammatit tamaasa assigiissakkamik missingersuutitigut malinnaatitsinerit
- Akiliisinnaassusermik aqutsineq
- Aningaasaliissutinik missingersuutinillu akisussaaffeqarnermik isumannaarineq
- Qitiusumi suliassanut toqqartumillu suliaqutitigineqartunut arlalinnut suliassat suunerinik allaaserisaqarneq
- Inatsisinik malittarisassanillu malitaqarneq



Tamakkua saniatigut aningaasaqarnermut aqutsinerup pitsaasumik torersumillu qularnaarneqarnissaanut ingerlatsiviup pitsanngorsarnissaanut inerisarneqarnissaanullu nangittumik sulisoqarpoq.

ERP

2018-imut naatsorsuutitut ilungersunartorsiornermut peqqutaasut pingaarnersaat tassaavoq, ERP systemi nutaaq 01.01.2018 atuutilersinneqarmat. ERP systemip atuutilersinneqarnera arlalippassuarnik ajornartorsiutitaqarsimavoq. Ilungersuumminartut annerusumik makkuupput:

- Atortorissaarutip aaqqissuunniarnera misileraanerillu naammangitsut
- ERP-mik atortorissaarutip atortorissaarutillu allat akornanni aporfiiit
- Atortorissaarutip atornissaanut ilinniartitaaneq
- Kontumut pilersaarutip nutaap atornissaanut ilinniartitaaneq

Amigaataasut 2018-imi iluarsinissaannut sulisorpassuit atornerqarput – ilaatigullu tamatumani siuariartoqarsimanera takussutissartaqartoq kukkunersiuisunit oqaatigineqarpoq. Kukkunersiuisut innuttaasunit suliffeqarfinniillu pisassarisat nalingannut tunngassuteqartut eqqumaffigineqassasut oqaatigaat. Atortorissaarutip nutaap iluaqutissartai tamakkiisumik kommunimit atulernissaat sioqqullugu sulii suliaassarpassuaqarpoq.

ERP-mik atortorissaarutip nutaap ingerlatilernissaanut pisortallu ataatsimut kontumut pilersaarutip nutaap 01.01.2018-imi Kommuneqarfi Sermersooq kommunini anginersatut atulernissaa toqqarpaa. Naak piareersarluartoqaraluartoq atortorissaarut kommunillu atortorissaarutaanut allanut aporfiusut misilittarluarneqarsimangitsut paasinarsivoq, soorluttaaq atortorissaarutip atornissaa eqqarsaatigalugu ilinniartitaanermut suliniutit naammassimangitsut kommunimit nassuerutigineqartariaqartoq. Taamatuttaaq pisortat ataatsimut kontumut pilersaarutaasa atornissaa eqqarsaatigalugu ilinniartitaanermut suliniutigineqartut naammassimangitsut kommunimit nassuerutigineqartariaqarpoq. Pissutsit tamakkua kingunerisaannik 2019-ip qiteqqunnerata tungaanut ataavartumik akiligassat anillatsittarneri, pisiortorfimmit akiligassat akilerneru kommunillu nalinginnaanerusumik naatsorsuutitik allattuisarnera eqqarsaatigalugit arlalitsigut ilungersunartoqartarpoq.

Soorlu Suliffeqarfimmi Kiffartuussiviup oqaasiinnakkut ilisimatitsisoq, kommunip aningaasaqarnermik aqutsinera 2018-ip ilarujussuani amigaateqarsimavoq, saniatigut aningaasat tigorianaanaat amerlavallaarsimangillat. Tamanna tunngavigalugu 2018-imi aggustimi aalajangertoqarpoq, aaqeeqqinnissamut pilersaarusiortoqassasoq, amigaataasut aammalu 2019-ip aallartinnerani aningaasatigut aqutsinerup pitsaanerusumik toqqammaveqarnissaa qulakkeerniarlugu. Aaqeeqqinnissamut suliniuteqarneq 2019-imi januaarip qaammataani naammassineqarpoq, taamaattorli nalinginnaasumik ingerlatsinikkut aaqqissuussaanneri nangeqqinneqassaaq, ilaatigullu inissaqassutsimik piginnaasanillu aqutissiuussinikkut ataavartumik nukittorsaanissamik ujartuisoqassalluni. Aaqqissuussaannikkulli naleqqussaannerit annikitsut taamaalillutik suliarineqareerput – aaqqissuussaannerlu 2020-mi sulii nukittorsarneqarnerunissaa naatsorsuutigineqarpoq.

Tamatuma saniatigut Winformatikkimi fagmodulit, ilaatigut meeqqerivinnut utaqqisunut allattorsimaffiit ERP systeminut nuussorneqarlutik. Fagmodulitik nuussuineq imatut malinneqartussamik pilersaaruteqarfiuvoq.

2018-imi aningaasaqarnermik aqutsinermi amigaatit kukkunerisiisunit uparuarneqartut isumaqatigaavut – sapinngisarpullu malillugu kommunimi aningaasaqarnikkut aqutsinerup pitsaanerulernissaa eqqornerulernissaalu sulissutigissavarput.

Ukiumut tassunga kukkunerisiisut oqaaseqaataat

Kukkunerisiisut oqaaseqaataannut allaffeqarfiullu taakkununga oqaaseqaataannut takussutissaq:

Nr.	Kukkunerisiisut oqaaseqaataat	Innersuussutigineqartut	Killiffik
2018-01	Kontunut assigiinngitsunut aamma siunertanut kontunut kukkusumik naatsorsuutitut nalunaarsuinerpassuit	3.1.1 5.5.3	Ammasoq
2018-02	Piffissami aalajangersimasumi kukkunerit annertuut. Ingerlatsineq/sanaartorneq aamma "Aningaasartuutit siumoortumik akiliuteqarfigeriikkat"	3.1.2 5.7.8	Ammasoq
2018-03	Pisassat naatsorsorneri qularnartoqartut	3.1.3 5.7.3	Ammasoq
2018-04	Pisiortorfinnut akiitsunik naligiissaarinnginnerit	3.1.4 5.7.13	Ammasoq
2018-05	Suliffeqarfiit attuumassuteqarfigisallu akiitsunut tunngasunik aaqqitassanik naligiissaarisimannnginnerit	3.1.5 5.7.14	Ammasoq
2018-06	Kalaallit Nunaanni Namminersorlutik Oqartussallu aaqqitassanik naligiissaarinnginnerit	3.1.6 5.7.15	Ammasoq
2018-07	Sulinngiffeqarnerisutit akiligassat malitseqartinneqannginneri	3.1.7 5.7.18	Ammasoq
2018-08	Akissarsianik kiisalu isumaginninnermi ikiorsiissutunik akileraarutitalinnik naligiissaarinnginnerit	3.1.8 5.6.11	Ammasoq
2018-09	Ukiumut naatsorsuutitik kingusinaarluni nalunaarusiorneq	3.1.9 6.4.3	Ammasoq
2018-10	Aningaasat karsimiittuutigineqartut aqunneqarnerini sakkukinnerusumik nakkutilliineq		Ammasoq

2018-01 Kontut assigiinngitsunut aamma siunertanut kontunut kukkusumik naatsorsuutitut nalunaarsuinerpassuit

2019-ip qiteqqunnerani Controllerit naatsorsuutitut inissitsiterinernik kontullu suunerinik aammalu siunertanut kontunik misissuullutik aallartipput, kukkusumik kontulersuinerit amerlatsinnginnissaat anguniarlugu. Siunissami missingersuutitut akisussaasut eqqortumik kontulersuisarnissaannik ilinniartinneqassapput.

2019-imi aqutsisut atortorisaaarutissaat Toolpack atuutilersinneqarpoq, taamaasilluta immikkoortortani, siunertani kontullu suunerini missingersuutitut sanilliussisinnaalerniassagatta. Taamaattumik naatsorsuutigineqarpoq, 2019-imut naatsorsuutit misissorneqalerpata annertuumik pitsanngoriaateqartoqarsimaneramik kukkunerisiisut oqaaseqarumaartut naatsorsuutigineqarpoq. Kommuneqarfik Sermersooq nammineerluni kontunik pilersitsisinnaanngilaq/allanngortitsisinnaanngilaq, pissutigalugu kommune Nunatsinni pisortat suliffeqarfiinik aningaasaqarnermik aqutsinermi nutaami ataatsimoorussamik suleqateqarmat. Tassunga atatillugu kontunut atuinissamut tunngasunik ajornartorsiuteqartoqarsimavoq, Namminersorlutik Oqartussat kisimik atugassaannik. Kommuneqarfik



Sermersuup erseqqissaassutiginiqaa, kontut aalajangersimasut suunerinut tunngasut iluarsineqarnissaat pisariaqartoq, tamakkulu piffissami aggersumi iluarsineqarnissaat naatsorsuutigineqartoq. Aamma taamaappoq siunertanut kontunut tunngasortaata ajornartorsiutitaqarnera.

2018-02 Piffissami aalajangersimasumi kukkunerit annertuut

Kukkunersiuisut oqaatigaat, 2018-imut kommunip aningaasartuutaasa piffissalersuutitai annertuumik kukkuneqartut. Tamatumunnga tunngatillugu oqaatigineqassaaq, AX systemimi pigisat akiligassallu pillugit piffissalersuutit ikippallaarsimasut. Kommuneqarfik Sermersooq nammineerluni kontunik pilersitsisinnaanngilaq/allanngortisisinnaanngilaq, pissutigalugu kommune Nunatsinni pisortat suliffeqarfiinik aningaasaqarnermik aqutsinermi nutaami ataatsimoorussamik suleqateqarmat. Soorunami piffissalersuutini kukkusoqarsimanera ajuusaarnarpoq, kisianni assigiinngitsunik piffissalersuisoqarsinnaanera oqaatigineqarpoq. Aamma piffissalersuineri kukkusoqarsimaneramik kukkunersiuisut oqaaseqaataat tusaatissatut tiguneqarpoq kommunillu uppersarsassavaa 2019-imi aammalu 2020-mi nangittumik siunissami taamatut kukkusoqarqinnginnissaa qulakkeerniarlugu sulissutiginnittoqalersoq.

2018-03 Pisassat malitseqartinneqannginneri

Debitormodul aamma finansmodul maanna naligiissarneqareerput, taamaattumillu taakkununga tunngatillugu nikingassutaaruppoq, AX-imi systemip kukkunerit eqqaassanngikkaanni. Akiliisitsiniartarnermut tunngasortaata naligiissarneqarnissaata nanginneqarnissaa sulissutigineqarpoq. 12,2 mio.-nik isumakkeerininnerit iluarsineqareerput akiliisitsiniartartuniit paasissutissiisutigineqartut naapertorlugit. Piffissami siviisuumi pisortat ataatsimoortumik ERP systemiannut AX-imut kontunut takussutissanik piffissami siviisuumi kommune nassiussisinnaasimanngilaq. Maanna suliffeqarfiit maililit kontunut takussutissanik nassitsiffigineqarsinnaalerput. Kontut takussutissaannik innuttaasunut suliffeqarfinnullu nassiussuinerit ataatsimoortumik ERP-mik pisortat allatseqarfiat suleqatigalugu suli ineriartortitsisoqarpoq. Taamaattumik pisassat pillugit malitseqartitsisarnerup pitsanngorsartuarnissaa annertuumik qitiutinneqarpoq.

2018-04 Pisiortorfiusut akiitsuinik malitseqartitsinnginneq

Taassuma oqaaseqarfigineranut systemimi kukkusimaneq pissutaavoq. Oqaaseqaat matoqqasutut isumaqarfigineqarpoq. Naligiissaarineri akiligassalinnut tamanut 75%-inik angusaqartoqarniaraluarpoq, kisianni tamanna pinnaasimanngilaq ilaatigut Nukissiorfiit eqqarsaatigalugit, tassami suliffeqarfik aamma aningaasatigut aqutsinermi atortorissaarummik nutaamik atuilerniarami, kontullu takussutissartaannik nassiussuineq ajornartorsiutigalugu. Naligiissaarineri atortorissaarut nutaaq atuutilernikuvoq, taamaasilluni ataavartumik naligiissarisooqarsinnaanngorlugu.

2018-05 Suliffeqarfiillu aqqitassanik naligiissarisimannginnerit

Oqaaseqaat tusaatissatut tiguneqarpoq. Kommunip suliffeqarfiillu akunnerminni aqqitassaasa qaammatikkaartumik naligiissarneqartarnissaat innersuussutigissavarput.

2018-06 Kalaallit Nunaanni Namminersorlutik Oqartussallu aqqitassanik naligiissarinnginnerit



Oqaaseqaat tusaatissatut tiguneqarpoq. Namminersorlutik Oqartussallu aqqitassarisat akiitsulinnut, akiligassaqaqarfinnut aamma aningaasaqarnermut kontunut agguataagaapput taamaattumik ataatsimut aqqitassat takussutissanngortinnissaat ajornakusoorpoq.

2019-ip naalernerani Namminersorlutik Oqartussat aqqitassat naligiissinneqartarnissaat pillugit suleqatigineqalerput, taamaattumillu naatsorsuutitut inissinneqartut pillugit siunissami ataatsimoorussisarnissaq naatsorsuutigineqarpoq. Kommunip unammilligassaa siulleq tassaavoq, Namminersorlutik Oqartussanut akiligassalik ataasiinnaq, bankkonto tiguisussaq eqqortoq naniuminaalersillugu.

2018-07 Sulinngiffeqarnerisutit akiligassat malitseqartinneqannginneri

Sulinngiffeqarnerisutissat amerlasuut akiligassarinerinut pissutaavoq, kommunip qulaajaanerani paasineqarpoq inernera ukiumut tunngasuusoq, tiguisussat ataasiakkaarnagit.

Naatsorsueqqissaartoqareermat misissueqqissaartoqareermallu paasinarsivoq, sulinngiffeqarnerisutissatut akiligassat 1 mio. kr.-nik amerlassuseqartut. Taakkua kukkunersuisut innersuussuteqarnerisigut ilaatigut feriefondiliorinissamut il.il. timitaliunneqarniarumaarput. Inissitsiterinerit pisoqaanerit sulinngiffeqarnerisutissanut tunngasut 2020-imi iluarsineqarumaarput.

2018-07 Akissarsiat isumaginninnermilu ikiorsiissutit akileraarutaasussat nikingasoornaveersaartinneqarsimangitsut.

Oqaatigineqartutut, ullumikkut ataavartumik oqimaatigiissaarisooqartarpoq. Akissarsialeriviup, akiligassiisarfiup aammalu Sulinal-imut nalunaarsuinerit ataavartumik nikingasoornaveersaartinneqartarnissaat sakkortuumik piumasaqaatigineqassaaq.

2018-09 Ukiumut naatsorsuutit kingusinaarluni tunniussineq.

Kommunip ukiumoortumik naatsorsuutai Aningaasaqarnermut Inuussutissarsiornermullu Ataatsimiititamat kingusinnerpaamik ukiumoortumik naatsorsuutit 30.04 naannginneranni saqqummiunneqassapput. Eqqorpoq, ukiumoortumik naatsorsuutit 19.08.2019-imi ataatsimiinnermi saqqummiunneqarmata suliarineqarlutillu taavalu Kommunalbestyrelsip 27.08.2019-imi ataatsimiinnerani kukkunersuisunut ingerlateqqinneqarlutik. Aningaasaqarnermut pisortatut atorfik inuttaqannginnikuuvoq, piffissarititaasup malinneqannginneranut annertuumik peqqutaqaataalluni. 2019-imut naatsorsuutit kingusinnerpaamik 30.04.2019 saqqummiunneqarnissaat naatsorsuutigineqarpoq.

2018-10 Karsimiittuutininik nakkutilliinermut tunngasunik nakkutilliinerup sakkukillismaneranut tunngatillugu

Ilumoorpoq karsimiittuutininik aqutsinermut tunngasunik ilungersuuteqartoqarsimammat. Kukkunersuisut eqqortumik oqaatigisaattut, karsimiittuutininik nakkutilliinerup nukittorsarneqarnissaanik sulissutiginnittoqarsimavoq. Ilaatigut allaffeqarfimmi nalunaarsuiffik nutaaq Get Organized pissarsiarineqarsimavoq, taannalu susassaqaanngitsunit killilimmik atorqarsinnaavoq. Atortorissaarut sulisut ataasiakkaat ilisarnaataannik ID-annik HR-imut systemimi atuiffiusussavaoq. Taamaattumik sumiiffimmit ataasiinnarmik killilimmik atuiffiusinnaavoq, atorfinitsitsinerni/soraarsitsinernilu taamaasillunilu susassaqaanngitsunit atorqarsinnaanera killeqarpoq.

Nikingassutit 2,8 mio. kr.-it 2019-imi nalimassarneqarput. Bankkontut qaammatikkaartumik malitseqartinneqartarput.

Kukkunersuisut ukiunut siuliinut oqaaseqaataat:

Kukkunersuisut oqaaseqaataannut allaffeqarfiullu taakkununga oqaaseqaataannut takussutissaq:

Nr.	Kukkunersuisut oqaaseqaataat	Innersuussutigineqartut	Killiffik
2013-3	Atuisunut akiliuteqartitsisarnermut atatillugu suleriaatsinik allaaserisaqarsimannginneq	3.2.2 4.6.3.	Ammasoq
2013-4	Akissarsialeriffimmi amigaatit	3.2.3 5.4.4	Ammasoq
2013-8	Aningaasaliissutinik malinninneq	3.2.4. 5.4.2	Ammasoq
2013-9	Suliatigut aqutsisutut isiginnissinnaannginneq	3.2.5 5.3.1.	Ammasoq
2013-12	Sanaartornermut naatsorsuutinik il. il. tunniussineq	3.2.7 5.4.7.	Ammasoq
2014-2	Qarasaasiatigut nakkutilliissutini tamanut atuuttuni sanngiiffiit amigaatillu	3.8 4.2	Ammasoq
2017-01	Ukiup ingerlanerani nalunaarusiat pitsaassusaannik qulakkeerinninneq	3.1.1. 4.1.3.1.	Ammasoq
2017-02	25 mio. koruunit taarsigassarsiarineqartut nalunaarsorneqanngitsut	3.1.2. 4.7.4.	Ammasoq

2013-3: Atuisunut akiliuteqartitsisarnermut atatillugu suleriaatsinik allaaserisaqarsimannginneq
Ilumoorpoq, "Ingerlatsinermit Aningaasaqarnermillu Aqutsinermit Najoqqutassiaq" 2014-imi akuersissutigineqartoq tunngavigalugu, amigartunik imaluunniit amigaateqartunik suleriaaserpaaloqarpoq.

Kommuneqarfik Sermersooq ERP-systemimik 2018-imi atuutilersitsivoq. Ukioq siullemq ilungersunartorsiornartorpassuit suliarigasuarnissaannut sulisut tamarmik atorineqarsimapput. 2020-mi suliaasaqarfinni tamani suleriaatsit allaaserineqarnissaat naleqqussarnissaallu qitiutilluinnarneqassapput. Tamanna suliniutit allat aallartereersut peqatigalugit kukkunerni ikilisaaqataaffiussaaq sulianillu ingerlatsinermit pitsaassutsimik qaffatsitsissalluni.

2013-4: Akissarsialeriffimmi amigaatit

Oqaaseqaatigineqartut Kommuneqarfik Sermersuumit tusaatissatut tiguneqarput. Maannakkut akissarsialerissut naammaginangilaq, suleriaatsit sulianullu uppernarsaatit tassunga atasut amigartut ilanngullugit. Taamaattumik ataatsimoorussamik IT-qarnikkut ingerlatseriaatsimi Nunatsinni pisortat suliffeqarfiini akissarsialerinermit atortorissaarummik nutaamik pisisoqarnissaa isumalluarnartoqartinneqarpoq. Pitsanngorsaatissatut kukkunersuisunit oqaatigineqartunut uigiullugu



Kommuneqarfik Sermersooq piumasaqaatinik erseqqissaassuteqarnermut annertuumik immersueqataanikuvoq. Aammalu systemip siunissami ataavartumik ingerlalernissaa naatsorsuutigineqarpoq.

2013-8: Aningaasaliissutinik malinninneq

Aningaasaliissutinik malinninnissaq avaqunneqarsinnaanngitsumik piumasaqaataavoq, taamaattumillu missingersuutinik aningaasaliissutinillu qaammatikkaartumik pitsanngorsaanissaq kommunip nangittumik sulissutigaa. Tamanna ingerlanneqarpoq aningaasaliissutit malinneqarnissaat imaluunniit allatut iliorluni piffissaq eqqorlugu ilassutitut aningaasaliiffigineqarnissamik qinnuteqaateqartoqarnissaa, aammalu suliassa qarfiit atuinikiffiusinnaasut atuinikinnerunermut naleqqussarneqarnissaat qulakkeerniarlugu.

2013-9: Suliaticigut aqutsisutut iginnissinnaannginneq

Suliaticigut aqutsinermik nakkutilliineq 2016-ip, 2017-ip, 2018-ip ingerlanerani sakkortusarneqarpoq sulili 2019-imi sakkortuinngortinneqarlunilu 2020-ip ingerlanerani aaqqissuulluarneqarnerulissaaq.

2013-12: Sanaartornermut naatsorsuutinik il. il. tunniussineq

Ilumoorpoq "Ingerlatsinermut Aningaasaqarnermillu Aqutsinermut Najoqqutassiaq" naapertorlugu ukiuni arlaqartuni kommune sanaartornermut naatsorsuusiornissaq tamakkiisumik ingerlattarsimanngimmagu, kisianni 2016-imiit ukiunullu tulliuuttunut aalajangersakkat atuuttut malinneqarnissaannut isumannaarinissamut sulineq aallartinneqareerpoq. Taamaasilluni soorlu kukkunersiuisunit allaaserineqartoq, sanaartornermut naatsorsuutit arlallit kukkunersiugassanngortinneqarput, siunissamili malittarisassat malinneqarnissaat eqqarsaatigineqarluni.

2014-2: Qarasaasiatigut nakkutilliissutini tamanut atuuttuni sanngiiffiit amigaatillu

Eqqorpoq kommune qarasaasiatigut tamanut atuuttuni sanngiissuteqarlunilu nakkutilliinermi amigaateqarmat, tamatumunngalu pissutaanerpaallu ERP systemip pisoqalisimanera, taannalu maannakkut atorunnaarsikkiartuaarneqarpoq. Nutaamik ERP systemitaap atuutilersinneratigut aammalu allaffimmi namminermi nakkutilliinerup digitalimik ingerlanneqarnissaa atorlugu sanngiitigut taakkua amigaatigineqartullu 2020-p naalernerani iluarsineqarumaartut naatsorsuutigineqarpoq. Nutaamik ERP systemitaap atuutilersinneqarneranut ajornakusoorutaasullu aamma takukkit.

2017-01: Ukiup ingerlanerani nalunaarusiat pitsaassusaannik qulakkeerinninneq

Ukiup ingerlanerani qaammammut nalunaarusiat ilaat pitsaanerpaaneq ajortut eqqorpoq. Tamatumunngattaq tunngatillugu oqaatigineqassaaq, qaammammut nalunaarusiani ataatsimi killiffissiuinermi sivikitsumik nassuiaalluarneq atorneqarsimavoq. Taakkartorneqartut tamaasa taamaallaat ukiumut naatsorsuutiniitinneqarput. Suliassa qarfimmulli Inatsit amigaateqartoq malinneqarpoq. Aningaasaqarnikkut nalunaaruteqartarnerup pitsanngorsarnissaa anguniarneqartuarpoq. Kukkunersiuisut oqaaseqaateqarnissaannik kinguneqartariaqanngitsaq isumaqarpugut. 2019-imut naatsorsuutini tamatuma peersimanissaa naatsorsuutigineqarpoq.

2017-02 25 mio. koruunit taarsigassarsiarineqartut nalunaarsorneqanngitsut

Notat



KOMMUNEQARFIK **SERMERSOOQ**

Postbox 1005, 3900 Nuuk

www.sermersooq.gl

25 mio. koruuninik taarsigassarsititsisoqarsimanerup nalunaarsorsimanera amigaataasoq 2017-imut kukknersiuinermi naammattoorneqarsimasoq eqqorpoq. Tamanna kingornagut 2018-imi iluarsineqarpoq. Taamaattumik tassunga tunngasumik oqaaseqaateqartoqarnera sulii ammatinneqarmat paasiuminaatsipparput.

2020-imi pappiarat aningaasanik nalillit qulaajaaffigineqarnerinut atatillugu paasineqarpoq, kommunip nalunaarsorsimasaanut tunngasut annertuumik assigiinngissuteqartut, nalunaarsuiffimmut suut nalunaarutigineqarsimanersut aammalu Grønlandsbankip, kommune sinnerlugu aqutsisuusup nalunaarsorsimasai eqqarsaatigalugit. Oqaatigineqassaaq kukkusumik nalunaarsuinerit ataasiinnarmiinngimmata. Qulaajaaneq naammassingajalerpoq, suliallu tamassuma 2020-imi naammassineqarnissaa naatsorsuutigineqarpoq.